

Шочмо эл, порылык да чын верч!

Будь готов!

21-ше (3617) №,
2023 ий 26 май,
кугарня.

Ямде лий



1933 ий 1 февраль годсек лектеш.



Пытартыш йынгыр ужата кугорныш

Пагалыме тунуктышо, пырля тунемме йолташ, йоратыме урок, тагасымаш-влак, икымше «визытан» ден «кокытан», икымше сенымаш ден сеналтмаш... Республикысе школлаште пытартыш йынгыр йонгым годым чыла тиде выпускник-влакын шинча ончылнышт омо семын суретлалтын. Ик жапыште чоным вургыжтарыше, тыгодымак куаным полеклыше йынгыр удыррвезе-шамычлан кугу илышыш капкам почын.

1-ше номеран Шернур школышто 11-ше классым тений латик выпускник тунем пытарен. Нунын коллаште – «Ямде лий» газетын чолга юнкоржо, З.Яковлева лумеш премийын лауреатше Дмитрий Веденькин (снимкыште – кумшо радамыште шола гыч кокымшо).

– Пытартыш йынгыр – латик ийым иктешыше, тыгодым волгыдо ончыкылыкыш ужатыше пайрем. Икымше классым тунем пытарыше Виолетта Андрееван онгырым ризымыж годым уш дене школ пагытым кино семын шергална. Латик ий шенгелан кодо. Ача-ава-влаклан ушанле эвертыш лиймыштан, тунуктышо-шамычлан келге шинчымашым пуымыштан кугу таум каласена. Вашке экзаменым сайын кучаши жап шуэи. Тек кажне выпускникын шоньмашыже шукталтеи! – ойла Дима.

Х.АЛЕКСАНДРОВА.



Тений
Марий Элыште
9-ше классым
7391 удыр-рвезе да
11-ше классым 2785
выпускник тунем
пытареныт.

ПОДПИСКЕ

Пагалыме лудшына-влак, 2023 ийын кокымшо пелыйжылан подпискым ышташ вашкыза. «Ямде лий» газетлан почто отделенийште, podpiska.pochta.ru сайт полшымо дене возалташ лиш.

Индекс – П4696.

Ак – 403 тенгеат 32 ыр.

Подпискым ыштыше-влак коллаште **лотерей** модыш эртаралтеш. Квитанцийым редакцийышке колтыман.

Рекламе.

Фотом школ архив гыч найме.



Марий Левитан Сенгымаш

Москошто «Лига лекторов» да «Школьная лига лекторов» всероссийский конкурсам иктешленыт. 3-шо номеран Звенигово школышто 11-ше классыште тунемше Данила Морозов (**снимкыште**) Сталинград кредалмаш нерген лекцийже дене сенгышыш лектын. Рвезын наставникше педагогике шанче кандидат, Нижний Тагил олесе кугыжаныш социально-педагогический институтын доцентше С.С.Луткин лийын. Сенгыше-влакым саламлыме годым вұдышö Данилам «Человек-Левитан» манын ойлен.

– *Историйым да обществознаийым туньктышо, школ директор Светлана*

Йошкар-Оласе Политехнический школ-интернатыште 10-шо классыште тунемше Анна Пирогова «Большие вызовы» всероссийский конкурсын «Агропромышленные и биотехнологии» тагасыштыже сенгышыш лектын. Тудо 1-24 июльышто «Сириус» тунемме рұдерыште Марий Элын чапшым аралаш тўналеш.

Йочам аваже тунька гын, пашалан чулым лиеш.

Калыкмут.



Фотом интернет гыч налме.

Валерьевна Созонова шуко полшен. Тудын поро шомакше, эжертыш улмыжо сенкаш ўшаным шочыктеныт. Мыланем «Знание» россияй обществовн лекторжо лўмым пуэныт да шунгит-кў гыч шарнымаш кубым да «Больше, чем путешествие» программе почеш канап сертификатым кучыктеныт. Тиде кугу пиал да чап, – ойла Данила.

Х.АЛЕКСАНДРОВА
ямдылен.

Пионер лияш – чап



Фотом школ архив гыч налме.

101 ий ончыч Шочмо элыштына пеш кугу йоча организаций – Пионерий – шочын. Жап эртен, саман вашталтын гынат, Пөтъял школышто пионер организаций кызытат пашам ышта, самырык тукумым иквереш уша. Йўла почеш 19 майыште нылымше классыште тунемше 15 октябрёнокым пионерыш пуртенна (**снимкыште**). Нуно товатмутым

ойленыт. Школын директоржо В.А.Семенов, директорын воспитаний паша шотышто алмаштышыже Н.И.Васильева да класс вуйлатыше З.Н.Лесникова йоча-влакын онгышкышт йошкар галстукым пижыктеныт. Пионер лияш – тиде чап да куан! Тек кажне икшыве тиде лўмым кугешнен нумалеш.

Н.ВАСИЛЬЕВА.
Волжский район.

Российысе увер

Изинекем эманен кушшо йоча да самырык-влакым «Я художник – я вижу так» всероссийский сўрет конкурсын ушнанш ўжыт. Йодмашым ятаквижу.рф сайтыш **31 июль марте** пуыман.

14-35 ияш самырык ўдыр-рвезе-влак, Юл кундем федерал округысо самырык-влакын «iВолга» форумшышкышт логалнеда? Тугеже ivolgaforum.ru сайтыш але

«Росмолодежь.События» платформыш пурен, йодмашым **8 июнь марте** пуэн шуктыза.

Сўретлаш, мураш, кушташ йоратыше кажне ен «Патриот России» тўнямбал конкурсын ушнен кертеш. Келшыше тагасым ойырен, йодмашым да пашам **6 июнь марте** колтыман. Тўрыс увер – konkursoff.ru сайтыште.

Марий Элысе увер

Республикысе йоча да самырык-влаклан В.Х.Колумб лўмеш книгагудо «Под семейным зонтиком» дистанционный квест-модышым увертарен. Rubcolumba.ru сайтыш йодмашым пуыман. Сенгыше-влакым **8 июльышто** Еш, йоратымаш да ўшанле улмо кечын палемдат.

9-11 июньышто Йошкар-Олаште этнографий, илыш-йўла, калык усталык дене регион-влак кокласе **видеофильм фестивалым** луйымшо гана эртарат. Ты жапыште Россияын 14 регионжо гыч 50 утла кином ончыктат.

Тений кенезым республикыште **175 лагерь** ўдыр-рвезе-влаклан кечывалым жапым пайдалын эртараш йонным ышта. **2** профильный, **18** стационар да **4** палаточный лагерь лиеш. **7-18 ияш** 22 тўжем утла йоча канен да тазалыкшым пентгыдемден кертеш.

Газетым чылан лудыт

Советский район Уш-нүр школьш унала мийымеке, тунемше-влак дене вашлийын мутланаш манын, актовый залыште погынышна. Икшыве-шамычлан газетым кучыктымем годым тўналтыш класслам туныктышо Т.И.Иванова воктекем лишеме да каласыш: «Ямде лий» газетым кумшо классыште тунемше-влак (снимкыште) чыланат почто гоч налыт». Тидлан мый ондак 6рым, а вара моткоч йывыртышым.



Авторын фотожо.

– Марий йылмым да литературым туныктышо Зинаида Александровна Волкова «Ямде лий» газетлан подписке тургым тўналме нерген увертарыш. Классыште икшыве-влак, вара ача-авашамыч дене тидын шотышто каңашышна. Икмынар кече гыч тунемше-шамыч кви-танцийым кондаш тўналгыч. Тыге коло кок ўдыр-рвезе йоча газетым лудеш. «Ямде лийым» марий йылме, лудшаш уроклаште кучылтына. Лудына, тўрл6 заданийым ыштена, – ойла Татьяна Ильинична.

Вашлиймаш деч вара йоча-влак дене лишкырак палыме лияш классышкыштак пурыв-

шым. «Ямде лий» газетыште тыланда мо келша?» – йодым. Нуно икте почеш весе кумылын вашешташ тўналгыч: «Тушто сўрет-влак мотор улыт. Мыланна заданийым ышташ келша. Ме почеламутым, кўчык ойлымашым лудына. Палыме ег-влакым кычалына. Вес школысо илыш нерген пален налына. Газет гоч йолташым муаш лиеш».

Мутланыме годымак йоча-влакын возаш кумылышт ылыже. Кузе колтымо нерген йодыч. Тыге кастанак серыш-влак толыгыч. Таня Бусыгина вашлиймаш нерген возыш. Юра Царегородцев туштм колтыш. Эвелина Горохова ден Вика Кузьминова сылне сўрет-гышт дене куандарышт. Моло тунемше-шамыч дечат пашам вучена.

Х.АЛЕКСАНДРОВА.

Пайрем куан



Фотом школ архив гыч налме.

Пионерий кечын туныктышо ден тунемше-влак Элнет серыш ошкылна. Туныктышо-шамыч онай модышым ямдыленыт. Медицине, лўдыкшыдымылык, спорт, математике, пўртўс да моло дене кылдалтше йыжынлам эртышна. «Эрудий» этапыште йодыш-влакым марла ямдыленыт. Ме (снимкыште) Шабдар Осыпын ик почеламутшым наизусть лудна. Нылле баллым поген, сенышыш лекна. Куанже могай! Танасымаш деч вара кечывал кочкышым пырля ыштышна. Пўртўсышт6 чылажат тутло.

Марина СТЕПАНОВА.
Волжский, Упшер.

Пионерий кечылан п6-леклалтше пайрем Арбор школьшто онайын эртен. Тудым О.А.Семенов ямдылен. Фотоончерым эскераш поснак куанле лийын. Тушто туныктышына-влакын йоча годсо фотош-тым ужынна. Школнан ончыгсо пионервожатый-же М.В.Семенова пионер илыш нерген шуко каласкален. Историйым шергалын, мый шинчымашем пойдаренам, ум пален налынам.

Ульяна ФЁДОРОВА.
Марий Турек район.

Чеверын, школ

Школьштына пытаргыш йынгыр йонгалте. 11-ше классыште тунемше-влак школ пагыт дене чеверласышт, ме 9-ше классым тунем пытарышна. Школ илыш могай шарнымашым коден?

София СЕРГЕЕВА: «Школ пагыт писын эртен кайыш. Шукерте огыл школ омсам почна, чеверласашат жап шуо. Ончыкыжым медийжарлан тунемаш пурinem. Эн ончыч экзаменым сайын кучыман».

Анна ТОРОПОВА: «Эртыше школ илышым шарналтымек, икымше туныктышем Надежда Васильевналан вуем савен тауштем. Тудо келге шинчымашым пуымо деч посна поро кумылан, ныжылге, лўддым6, ончыко ончышо лияш туныктен».

Евгения ОГУРЦОВА: «Школ илыш – тиде икымше туныктышо, икымше «визытан», пырля тунемме йолташ-влак. Ынде экзаменыште келге шинчымашым ончыктыман».

Алёна ЧАПИШЕВА.
Волжский, Сотнур.



Тукым члына

Поэзийым йоратыше кажне ўдыр-рвезым мокталташ лиш. Чылан изи артист гай кертыт. Теве 27-ше номеран «Светлячок» йочасадыш коштшо Даша Зыкова «Тўкан ия» почеламутым лудмыж дене чылам куандарен. **Шым ияш марте марла лудшо-влак коклаште** икымше верыш лектын.

– *Почеламутым марлат, рушлат наизусть тунемаш йоратем. Йочасадыште эртаралтше сылнымут конкурслашке эре ушнем, сеныше радамыш лектам. Ты почеламутым тунемаш воспитатель Нина Кузьминична Солодкова темлен. Авам дене сылнын лудаи тунемынна,* – ойла Даша.

Рушла лудшо-влак коклаште 13-шо номеран «Клюковка» йочасадын вос-

Калык верч

Чоткар, Онар, Акпатыр
Улыт мемнан патыр.
Шочмо мландым араленыт,
Марий калык верч шогеныт.

Чавайн, Шкетан да Ипай,
Мухин, Осып,
Казаков Миклай
Сылнымутым пойдареныт,
Сылнымутым кўш нолтеныт.

Марий мурым, марий семым
Акльшт Палантай, Эшпай.
А Акпатыр йонгалтарыш:
– Шочмо верыште эн сай.

Ксения ИВАНОВА.
Морко, Коркато.

Кажне тўшкаште

«кумшо утым» муза.

- а) амфибрахий, анапест, хорей;
- б) роман, романс, ойлымаш;
- в) метафор, эпитет, муро.

Поэзий – чон шепка

Республикысе марий тўвыра рўдер «Колумб лудмаш» оласе сылнымут конкурсым ий еда эртар. Тений тудо Республикысе йоча да самырык-влак В.Х.Колумб лўмеш книгагудышто 19 майыште лийын. Ты пайрем сылнымутлан шўман, поэтын поэзий саскажым аклыше витле утла ўдыр-рвезым иквереш чумырен. Йоча-шамыч Валентин Колумбын почеламутшым марла, рушла лудыныт, мурым йонгалтареныт.



Авторын фотожо.

питанникше Миша Рябинин ойыртемалтын. Изирак ийготан-шамыч коклаште сенышыш лекше-влакым снимкыште ужыда.

8-10 ияш-влак коклаште И.С.Палантай лўмеш тўвыра да сымкытыш колледжын Национальный сымкытыш гимназийыштыже тунемше Татьяна Дубинина икымше верыш лектын. **11-14 ияш-влак коклаште** 10-шо номеран школышто тунемше Илья Инородцев ойыртемалтын. Сервис технологий техникумын студентше Ксения Григорьева **15-18 ияш-влак коклаште** чылам ончылтен.

«Муро» тагасыште 80-ше номеран «Ўжара» йочасадын «Кечыйол» ансамбльже сеныше лийын.

Е.ИВАНОВА.

«Поэт лияш мутым почела возен моштаи гына шагал. Тидын деч посна тўням, айдемьм, жапым иже семын эскерен, ужын моштышо ончалтыш кўлеш. Калыкклан шўметын ойжым каласаи йўлышю кумыл лийман...», – тыге ойлен кумдан палыме поэт В.Х.Колумб.


Мо тыгай пиал?

Иктылан пиал – тиде миллион дене окса, весылан – йоратыме еш. Кидышке у книгагуд кучен, кас мучко сылне мурым колыштын, тамле чайым йўын лудмаш – тиде мыланем пиал. Иктаж-могай конкурсышто сенышыш лектамат, шкемым пиаланлан шотлем. Пиал тўрлө лийын кертеш. Тудым умылыман да шижман. Тек кажне ег пиалан лиш.

Морко, Эгерсола.

Снимкыште У Торъял кыдалаш школышто 5-ше классыште тунемше Александр Котем ужыда. Фамилийже ойыртемалтын йонга. Ачаже – француз, аваже – мари. Саша шочмо йылмыжлан француз йылмым шотла гынат, марий йылмым моткоч йората. Школышто кыртмен тунемеш. Туныктышо Л.В.Мочаеван полшымыж дене почеламутым сылнын лудмо конкурслашке ушна. У Торъял районышто эртаралтше тагасымашлаште икымше верымат сенген налын. «Колумб лудмаш» пайремыш ушнаш шона. Марий йўла, йылме ойырте, марий сылнымут – чылажат Сашалан шерге да лишыл.

Л.НИКОЛАЕВАН фотожо.



Марий кумыл – йырымваш

Марий Эл Республикын калык писательже В.М.Регеж-Гороховын почеламут корнылажым шарналтен, «Ой, молан Мишканыш мийышым гын мый!.. Шонангыл гай тувыр, поро шем шинча...» ушыштем гына манаш кодаш. Башкортостан Республикысе Мишкан район Чорай селасе Я.Ялкайн лүмеш марий гимназийыште лиймеке, ты кундемым, верысе калыкым үмыреш шарнен илет. Гимназийыште туныктышо, тунемше-влак, сылне пеледышан олыкым шарныктарен, мотор марий вургемым чиен, кажне унам вашлийыт (снимкыште). Ты уста коллективым О.К.Микитова вуйлата. 200 йочалан 30 туныктышо келге шинчымашым пуа. Школ пеленысе йочасадыш 39 ньога коштеш. Тений 15 йоча икымше гана парт коклашке шинчеш. Гимназийын кок филиалже уло. Пүнчер ялысе тўг школышто 67 ўдыр-рвезе тунемеш, Раёвка тўгалтыш школышто – куд икшыве.



Кеч-мо гынат
шкенан илыш-йўлана
шкаланна садак шерге.

М.ИЛИБАЕВА.

Семык

Семык толын

Пўлер мландыш,
Шочмо калык йывыртен.
Чыланат вашкат пайремыш,
Икте-весым саламлен.

Эрден тўгалше ший йўржат
Кенеташте шып чарнен.
Карт кугызаже пелештен,
Игечым сылнымак конден.

Тышке толыт тўрлў вер гыч,
Ший гармоньыштым шоктат.
Да шыман вашла ончалын
Кушталтен, тўшкан мурат.

Йодыт Юмо деч пиалым,
Тыныс илышым, перкем.
Волгалтше ялышт шийын, алын,
Таза лиеш тек кажне ен.

Кирилл ШАМУКАЕВ.

Татарстан, Муслюм, Шопкер.

М Пакырча – корка.
Йорган – одеяло.

Мутерым филологий шанче кан-
дидат **А.А.ИЛИЕВА** ямдылаш
полшен.



– Йоча-влак марий йылмым да литературым йывыртен тунемыт, – ойла Ялкайн лүмеш гимназийыште марий йылмым да литературым туныктышо А.Л.Юзукбаева. – *Лектышнат куандарыше: Виктория Микаева ден Света Николкина нине предметла дене республикыште сеғыше лийыныт, а регионьышто – кумшо.*

Икшыве-шамыч марий гимназийыште тунеммышт дене кугешнат. Тидым вашлийын мутланыме годымат шижаш

лие. Серызе-землякышт Яныш Ялкайным моткоч жаплат. Тудлан пўлеклалтше лудмашым кок ийлан ик гана эртарат. Республикысе калык-влакын национальный вургем кече – ик эн пагалыме пайремышт. Шочмо калыкын куштымашыжым, кандыражым, изижге-кугужге аклат. Кажне арня мучаште, кутарнян, урокла коклаسه кужу перемен годым, коридорыш рўжге лектын, чылан пырля куштат. Тек эре тыге лиеш!

Л.ГРИГОРЬЕВА.

Изинек шўмандыман

Шочмо марий йылмым аралыме, самырык тукумым тўвырам шымлаш кумыландыме шонымаш дене районышто фестивалым ий еда эртарена. Тўрлў темым авалтена: «Пушенте вож дене пенгыде, айдеме – еш дене», «Калык йомак», «Калык модыш», «Калык йўла» да молат. Йоча-влак марий куштымашым, мурым, почеламутым тунемыт. Ялысе марий йўлам радамлат. Марий вургем дене палыме лийыт. Нунылан ача-ава-влак полшат. Шукерте огыл «Окра шудо» калык пайремым эртарышна (снимкыште). Йоча изинек марий вургемым пагала гын, нигунам марий улмыж деч ок вожыл, йылмыж дене кугешна.

Н.М.ИВАНОВА.

Одо кундем, Карагўл, Нырғындыш.





Мый куржталын
Чевергем.
Кажне эр,
Пуйто мör,
Сай тазалык
Лийже манын,
Мый гимнастикым ыштем.
А.ФЁДОРОВ.

«Тазалык – поянлык»

Тазалыкым изинек шуарен да пенгыдемден кушман. Йоча кече режим почеш ила гын, тудо таза кушкеш. Икшывым жапыштыже кынешаш, кочкаш, модаш да малаш возаш изинек туныктыман. Лач йочасадыш коштмо годым ньоган психикыже, капкылын тўрыс системыже виягыт. Сандене йочасадыште спортлан ятыр жап ойыралтеш. Кажне йочан паша кечыже зарядке гыч тўналеш. Аэробике сынан занятийым эртарат. Шинчам, шўлышым, парням, йылмым лывырташ тунемыт.



Пўйым эрыкташ изинек туныктыман. Йочан шкенжын щёткыжо лийшаш. Тудым кажне 2-3 тылзе гыч вашталтыман. Щётко пенгыде лийшаш огыл.

Лаштыкым
Йошкар-Оласе
53-шо номеран
«Изи патыр» йочасадын кўшыл категориян воспитательже
Ольга Валерьевна
КАЗАНЦЕВА ямдылен.



Пырля модына

Вўд йоген

Йоча-влак, кидым кучен, поче-поче шогалыт. Эн ончылыно шогышо-влак кидыштым капкам почмо гай кўшкө нолталыт. Нунын кид йымачышт моло мужыр вўд йогымо семын эрта. Чылан каен пытымек, пытаргышлан шогышо мужыр нуным алмашта.

Кид дене авырен

Модшо-влак площадке мучко шаланен куржыт. Кок вўдышö, кид кучен, нуным поктен куржеш, кид дене авырен кучаш тырша. Кучалтше йоча вўдышö-влак деке ушна, весым авыраш полша. Тыге вўдышö-шамыч эре ешаралтыт. Пытаргыш йочам кучымек, модышым угыч тўналыт.

Пайдале кангаш

Спорт арверым шке гыч ышташ лиш. Сўрет-влакым ончыза. Йочасадыште кучылташ лач келша. Тыгай пашашке ача-ава-шамычым ушаш келшен толеш.



Писылудыш

- ✓ Вўд, юж да кече – тазалык пече.
- ✓ Чи-чи-чи, чи-чи-чи, лек зарядкышке, Вачи!

Аквагимнастике

Вўдыштö парня дене модмаш тыге маналтеш. Вўд дене модын, парня упражненийлам ыштен, йоча кидым лывырта, йылмым виянда, тургыжланымым чарна. Тыгодым йылмым вияндаш тўрлö йомакым шонен каласкалаш лиш.

Парням лывыртена

Мече тўрлö лиш. Мутлан, иман изи мече дене кидкопам, йолвундашым лывырташ, массажым ышташ сай. Мечым пörдыктен, кажне парня мучашысе нервным писештараш лиш. Тидым су-джок терапий маныт.

Изи озавате

«Тазалык» салат

Ава дене ыштен ончаш темлена.

Кўлыт: ковышта, помидор, чеснок, нöшмўй, лимон сок, мўй, шинчал, ужар шоган, укроп але петрушко.

Ковыштам пўчкедаш, шинчалым ешарен, изиш туржаш. Помидорым пўчкедаш. Чеснокым, нöшмўйым, лимон сокым, шинчалым, мўйым иктеш вараш да салатыш опталаш. Ужар шоган ден укропым ўмбакше шавалташ.

Физкультминутко

Вурс гай пенгыдемын,
Кушкын Онар семын –
Гимнастике вийым пурта.

Тазалык пеш шерге,
Таза – тиде шöртнö,
Таза ег пашам чот ышта.





Фотом еш архив гыч налме.

Кугу садыште

Пырля тунемме йолташем-влак дене Йошкар-Оласе ботанический садыш экскурсий дене миенна (снимкыште). Кушкыл ден пеледыш тўняшке пурымеке, йомакышке логалмыла чучын. Пушенге-влак моткоч ойыртемалтше улыт. Икте чыве йолан пўртым ушештара, весе торла коеш, кумшым конус семен пўчмў. Мыйым куэ эн чот ўрыктарен. Тудын лышташыже почкалтышла коеш. Кедрже могай кугу! Пушенге вуйышко ончалын, шкенам изи куткыла веле шижынна. Мотор садыште могай гына сирень уке?! Пушыжо-о-о. Ўпшынчын шерет ок тем. Йолташ-влак, теат миен толза. Моткоч сўрал да пайдале.

Саша АВТОНОМОВ.

Йошкар-Ола, 3-шо номеран школ.

Калык пале

Кече шичмыж годым йолажым пыл шенгеч шара – йўрлан.

Чыве-влак шулдырыштым лоп-лоп кырат – йўрым йодыт.

Изи озавате


Шолтымo шўрым пўлемысе температур марте йўкшыктарыза. Кўмыжыш нўшмўй дене пырля опталза. 15-20 минутлан холодильникыш шындыза. Блендер дене лугыза. Шинчалым, лимон сокым да тыгыдемдыме укропым пыштен, угыч сайын варыза.

28 май – Майонезын шочмо кечыже.
Кўлыт: 50 миллилитр шўр, 100 миллилитр нўшмўй, 1 изи совла лимон сок, укроп, шинчал.



Мастар кид

26 май – Кагаз гыч ыштыме самолётын кечыже.



Палаш онгай

Японийыште илыше Наито господин кагаз гыч эн изи самолётым микроскоп полшымо дене ыштен. Тудым 2,9 миллиметр кугытан кагаз гыч тодыштын. 2010 ий 19 декабрьыште кагаз самолёт эн тораш чонештен. Жапше – 29,2 секунд. Йоча-влак, сўретым ончен, кагазым тодыштын, самолётым ыштен ончыза.

Ребус



06/06
18:00

Василий Домрачевын лўмгече касше
РВЕЗЫЛЫК ЭРТЫШ – ЫШ ЧЕВЕРЛАСЕ

shketan.ru/afisha

МАРИЙ АРАМЕ ТЕАТР

Рекламе. 12+

«Ямде лий» газет
 Тўн редактор
Л.Н.ГРИГОРЬЕВА.
 Индекс: П4696.
 Тираж 1550 экз. Заказ
 Формат – А-4-8.
https://vk.com/yamde_lii
<https://t.me/yamdelii>
 E-mail: yamde_lii@mari-el.ru
 (документ кагазлан),
yamde_lii@mail.ru
 (автор-влаклан)
 Сайтын адресше: yamdelii.ru

УЧРЕДИТЕЛЬ:
 Марий Эл Республикысе
 Министрство культуры,
 печать да
 калык-влакын пашашт
 шотышто министерстве.

Газетым редакцийыште
 погымо да версталыме,
 «Марий Эл Республикысе
 Правительствын типографийже» ООО-што ямде
 оригинал-макет гыч савыктыме. Типографийын
 адресше: 424000, Йошкар-Ола, Комсомольский урем, 112.

Газетым Кыл, информационный
 технологий да массовый коммуникаций
 сферым эскерме шотышто федераль-
 ный службын Юл кундем федеральный
 округысо управленийыштыже регис-
 трироватлыме.
 Номер – ПИ № ТУ52-01335,
 2021 ий 29 сентябрьыште пуымо.

0+

Печатьыш пуымо жап –
 14-00,
 фактически – 13-00

Авторын да редакцийын шоныма-
 шышт тўрлў лийын кертыт. Серыш-
 влак мўнгеш огыт колталт.
 Ак – кутырен келшыме почеш.

Редакцийын да издательнын адресше:
 424006, Йошкар-Ола, СССР Вооружённый
 Вийын 70-ше идалькыше урем, 20-шо пўрт.
 Тел. 8(8362) 45-22-82(факс).


Түрлө түсан шошо

Конкурсым иктешлена

Шошо. Могай тудо? Ломбо, сирень, олмапу пеледыш пушан, тюльпан, мамыкшудо түсан. Кече мучко шыргыжше кечыже, леве мардежше кажне икшывым уремышке лекташ ұжыт. Ёдыр-рвезе-влак ача-авашт, иза-акашт дене пырля пүртүс лонгаште лияш йоратат. Шырчыклан пörтым ончылгоч ямды-лен, кызыт пүктен лукмо игыштым куанен эскерат. Чыла тидым «Түрлө түсан шошо» конкурсыш ушнышо-влакын фотоштышт ужаш лийын. Моткоч шуко паша пурен. Сенышым ойыраш жап толын шуын. Звенигово район Эгервож ял гыч Валерия Чертухина (**снимкыште**) эн шуко лайкым поген. Саламлена. Ёдырым редакцийыште пöлек вуча.



Тыште мынар модыш!



Ужаш-влакым чын верандыза.




Чын ұмылым кычалза. Тиде герой могай йомак гыч?

Шотлыза. Вашмутым клеткышке возыза.



28 май – Пограничникын кечыже.



Сүретым чиялтыза.



Эчан, Стапан да Миклай мече дене модыныт. Нунын кокла гыч иктыже окнаш чумалын да яндажым пудыртен. Эчан каласен: «Тиде мый огыл». Миклай Стапаным титаклен. Жап эртымеке, пале лийын: ик рвезе чыным каласен, весыже ондален. Окнам кө пудыртен?



Вич кайыкын лүмжым муза.

У	В	А	Ж	Ы	К	У	М	Ш	А
Р	О	М	Ö	У	А	К	О	Р	Ы
Й	М	Ў	Ы	К	Д	Щ	Ш	Ы	М
А	Ш	Р	У	Ö	К	Р	Е	О	В
О	И	А	Т	Г	Ь	Ö	М	Е	Р
М	Ш	К	В	Ö	Ы	К	Г	О	Л
Ш	Т	Ў	Д	Р	С	Я	О	Ё	К
А	Е	О	П	Ч	В	Г	Р	М	И
Р	Ь	Ю	М	Е	О	Ў	А	Г	С
Ш	Р	В	Ы	Н	К	А	К	У	А

Ангелина МОЧАЛОВА.

Советский, Ёрша.